

方泉先生詩集三卷

宋周文璞撰

清冰蘧閣抄本

一冊


本部书开始

书 号 4533

本片卷含

方泉詩集

辛巳秋日宮爽齋得水  
遺閣鈔本於書肆甲申  
夏日題籤





方泉先生詩集目錄



卷之一

鍾山賦

方泉賦

然犀賦

自序

堯章金銅佛塔歌

初至長干寺

回次秣陵

峨松夏夜

鷓鴣

懷何月梅

瀨上懷古

瀨上貞女祠

銅雀硯

丘慶餘畫虎

夜坐讀書

春雪

鶴廟

玉晨口占

華道士白胭脂

杜鵑花

新柳

王道士庵

南華陽洞

金牛洞

山行行歌十首

壬戌春日

至荆公墓

出白下

遊栖霞四首

再如金陵

道中望茅山有感

病起寫懷

送友人入浙

金陵懷古六首

江南曲四首

吳中秋月

野薔薇

狼山

烏夜啼

贈趙子野歌

古琴歌

憶昔

吊堯章

遺興

夜歸

送道友歸

黃龍洞

歸憩仁王寺

下竺

七言

故舊天民新居

十月過鳳山舟過入項王祠

送蜀客

戊辰感事二首

山居書事

卷之二

投金賴賦 石麟賦 黃連香賦 遊洞霄 上冢

題喻玉泉家亦可樂亭 病後 歐陽琴歌 歸姑蘇

送友人歸苕溪 晨起 欄上小飲 送道人歸華陽 秋日孤山道院 訪梅二首

寄茅山道友三絕 呈翠睡翁 石林 絕句四首 寄韓澗泉流 烏煤 和澗泉賦

客中 山樂官 岸憤 翠蛟亭 重經洞霄 大滌洞 小寒食 五月五日

寄題館娃即靈岩寺 贈蘇召叟 牛山寺 跋鍾山賦二首 絕句二首 九月晦日

過鳳凰山有感二首 間居日有幽事戲作 苦錐歌寄澗泉 臘月八夜雨 送澗泉 送薛子舒 耽菊

簡正字南仲 誦哀江南賦 重遊栖霞 出溪 舊故居遇隣家子還懷

正字南仲祭詩 抱正字南仲四首 歌行四首 吊友人朱子大

遣興

孤山桃花二首

送友人之武夷山

秋晦有懷南仲正字

贈孤山道士

送人之桐柏 送髯高謁方岩

卷之三

瞿塘神君歌 清明日書事

雲根 聽琴

寄人友 兩

陰山 新亭

法寶寺

戒壇

亘坐王畫像

玉晨觀二首

寒食有感三首

桂

自笑

稿李道中

梅梁賦

題胡女騎

東陽道中

鳳門前

寒食曲

賞春二首

春懷

暮雨

即事二首

題克章新成山房

題盧申之瀛洲圖

贈相士丁日宣

吊黯卒

楊孟博挽詞

贈隱者

劍客行

書事

見泗州降者

感興七言三首

題天童金老

送人之金陵

送逸人歸茅山

中秋日遊能仁北寺二刹

贈虎丘僧道輝遊天台二首

西湖即事

宮人斜

上強寺

太阴

寫懷二首

九溪十八間

弔辨才二首

西湖小飲

趙坊

壽星寺聞子規二首

分臺泉

隱者居

逸士坡

夏日偶題

謝頤師見過

望茅山六言三首

寄山中道友三首

初營鳳山

梅谷

法華小隱

既離洞霄遇雨却寄道友

題曹武帝削瓜圖

歸別墅

早起

兩宿山中

再遊九溪

偶題

送人之官嚴陵

與并山道士飲

不欺齋四首

望雲亭

敬思堂四言

陳將軍宸詞

弔青溪姑祠

水仙廟鼓吹四首

招魂

方泉先生詩集目錄終

方泉先生詩集卷第一

陽穀周文璞 晉僊

鍾山賦

陟古阜兮凌遲望故鄉兮徘徊日忽兮今  
欲下揜予心兮訴哀昔王氣之初發有神  
人之稱孤遠溫洛之弗競亦中興于此乃  
因融結以作鎮倚崔嵬而在東指牛首以  
立闕背龍盤而作宮後李嗣興規模屹隆  
張皇帝圖咨謀國工陰陽既調清寧亦同

司馬爰業而引前太極穹窿而當中華林  
桂鼓璇室歌鍾轟丹楹兮暨、森翠氣兮  
融、殿薄苑記密如魚鱗中納元氣仰規  
大辰將欲賓毳衣于九夷負黼屨于萬春  
揖提紀曆卷舒效珍回皇風于太初散靈  
雨于無垠及乎分代易姓滅沒變遷厚福  
隱毒寔生其間紫髯昂來黃鬚載奔索密  
口苦辭鴛涕潛近奮身而倒戈亦反袂而  
張夸拳則見天衣畫章意貌孔武太白連

捲出渡江渚麗色登梯明雲鏡空愴蘊艷  
新造歸闕宮列事着幘誇戰負劍閣像未  
塵銜首將變飲血擊賊舉烽燭夷戎鼓愔  
愔樓車纍、受詔下令燒香賦詩妖祥昏  
淫廢興乖離傳之到今文字峻削音節淒  
悲雖衽席之上岩石之下可聽可歌而不  
可思矣有如斯山則偃蹇干霄隱天蔽日  
雖涉世兮毋害蓋與時而出入哀園椒兮  
江楓旋灰飛兮雨泣殺殺纏郭晨閣夜明

方泉詩集  
處子內傷老夫填阮匹鳥群死滄羊衡行  
豈曰作鎮而能忘情凡今齊民肯復記憶  
但能聯絡相命趣具酒食上蕭齋而膜拜  
撫漫碑而口噴吉祝于蔣侯之廟遐瞻于  
周顥之宅野芳敷滄山嘯嘯嗅渺歸興兮  
亡盡昇興哀于戲劇嗟夫系緒悠遠條流  
煩貿若錫嘏于肥水兮亦嘗併力以扶救  
彼大勳之未集兮自賢庸之弗究緣義類  
以陳詞兮庶茲山之可吊

方泉賦

惟山居之吟巖兮有泉出而方窪彌年歲  
而沃滌兮雖苦寒而萌芽蓋隨區以賦形  
兮非浚工之所加吾初以道為澤兮以溥  
潤而為家既自抱于潔清兮又收散乎英  
華贊商易而非僭兮倣坤輿而非夸摩大  
蛤非神奇兮出矩玉非矜誇雖使女盜冠  
而窺兮僕夫汲而盈車故豈嗽以為貪兮  
方豈蹈而為和將引竹以種樹兮放為池



而漚麻順脉絡而襲水土今則又退虎豹  
而進龍蛇噫吾命濡滯于此立今又何敢  
怨懟而舛差

然犀賦

智者鑑物貴于察微後來不察其智幾希  
智以神為用神以智為友豈無其無而有  
其有庖犧女媧登龜斷蛇風氣既開源流  
無涯故巢居窞于仲舒表字燼于張華若  
太真之事吾嘗以告諸徒矣博物者曰怪

怪好奇者曰輕、盡性者曰渾、窮理者曰  
冥、如此則温子將不得為哲人子持賦  
于牛渚兩山之間老松古木倚而和之則  
庶幾乎敬聽

臯橋

伯鸞出京師慷慨歌五噫豈無濟時心升  
降與我違有來遠吳中春梁採飢寒吳人  
臯伯通舍之慰窮棲方志雖或除此橋猶  
可稽伯鸞號逸民佳傳照綠綈伯通賴有

此庶幾與之齊至今閭門外兩家陪要離  
累、各高大冥、春草萋古者賢哲人不  
計鳳與雞焜耀亦偶尔埋沒何淒兮出語  
賀兩公亦以昌吾詩

堯章金銅佛塔歌

白石招我入書齋使我速礼金塗塔我疑  
此塔非世有白石云是錢禁王中物上作  
如來捨身相飢鷹餓虎紛相向抬起靈山  
授記時龍天帝釋應惆悵形模遠自流沙

至鑄出今回更精緻幾王納土歸京師流  
落多出西湖寺錢王本是英雄人白蓮花  
現國主身蛇獅虎落狗脚朕何如紅袍王  
帶称功臣天封圻開即退聽兩浙不聞笳  
鼓競歸來佛子作護持太師尚父尚書令  
一枝傳到白石生、今但有能詩聲同袍  
秦外銛師兄哦詩禮塔作佛事同喫地炉  
山芋羹何曾薰陸綺床供但見相輪銅綠  
明哦詩礼塔猶畢未芦葉低飛山雨濕

初至長干寺

雲杪熒々一塔燈覺皇舍利寶烟凝山門  
推上三更月似照前朝禮拜僧

回次秣陵

我行古井邑北風吹倒人旗店語簇々石  
路聲稜々下車得少憩亭午听司晨豈但  
田杭香更覺村醪醇懷哉厭王氣契濶重  
陳舊為秣陵尉今為鍾山神

哦松夏夜

雅頌散流到楚詞更無人見獨看時池頭  
五粒初搖動却替幽人說舊詩時

鷓鴣

夜間春雨來濃綠淨于洗有禽自南翥自  
呼不得已豈非湘川下或自江左起黃陵  
見哀妃白下感游子仍多憂其况宛轉溪  
樹裡汝况今何在荆棘日靡々豈非因空  
山或已投逝水年深桎梏化波冷皮肉死  
鷓鴣謹勿痛此係造物理吾若破折言汝

恨入骨髓風吹慈竹林苔暈上青紫吾亦  
念故鄉日夜夢鄰里不如各歸休闕月照  
西鄙

懷何月湖

星、髮髮卧林立詔使東川作郡侯髯叟  
望公來海嶠瘳兵迎守去夔州珍圖想掛  
茅齋壁巧石應隨竹釘樓教得巴童歌舞  
好侍卽千萬却歸休

瀨上懷古

有孟正曜祠堂

古寺閔岑鬱空梁懸齋魚神座既歆仄德  
容亦饑虛先生貧有命山僧樂無餘長安  
滿市花疋馬吟九衢寥々北却山而誰噫  
荒墟豈有先生者不如山僧欵盲風振茗  
華重露落芙蓉渠何當醉尉歸方坐釣水隅  
瀨上貞女祠  
估客征夫上野橋錦襦玉瑱亦蕭條人間  
多少乘除事到了英雄恨不消

銅雀硯

君王有遺令，婢子守空臺。遙望西陵下，漆  
灯照鳩杯。玉顏闕釵澤，松柏生悲哀。低吟  
短歌行，想像奸雄才。清泉沈金彩，古烟凝  
紫灰。零落故几在，雕鏤若陶坯。為人作書  
研詞章，出諧詆。上下千載間，流轉何悠哉。  
那知墟中人，天命不復來。齊昏亦披猖，增  
增築崔嵬。年々漳河頭，野棠如雪開。

立慶餘畫鬼

家住樓賢雲石泉，恣幽討寫出明視孫眉。  
目增媚好，邛日行跋，衣褐坐芳草，脫身  
文字禍，見機恨不早。仰候月盈縮，修眉幾  
回掃。迷离望靈藥，青松為三倒。山人書姓  
名，欲使好事改。

夜坐讀書

此生無耽嗜，獨具愛書癖。旁搜固未暇，乍  
見亦畧識。塵土苦見汗，更苦官事逼。紙灯  
既自剪，竹牖仍僕織。山邑少文献，有亦何  
自覓。隨行五升執，一歲無滴漑。向來長市

闕之常竟夕，悵然夢裏去。莽、雲雨側哦，  
此謂寒蟄夜漏三十刻。

春雪

崇禧仙館似官居，二月寒風峭有餘。傲吏  
吟哦空峭下，野童放散夜堂初。熒、宿火  
煨春酒，燧、殘燈鏡道書。忽听打窻聲，更  
急快移銀磔上枯株。

鶴廟

櫻桃花覆地，古廟自青春。帳裏還丹使，山

中采藥人。風林嗥黑虎，雲路列斑麟。欲見  
神君面，連朝祀北辰。

王晨口占

風鳴長史晨，天柏州護仙翁。瘞劒瑩瑞象，  
殿前亡馬跡。養龍池上有翬鳴。

華道士白胭脂

蕭史水銀粉，番女紅藍花。狂奴愛風調，脂  
澤遂成家。鏡開青映月，衣近赤城霞。欲下  
人間世，榭林棲晚鷗。

杜鵑花

雲樹重，和淚吟。故宮遺廟有知音。秦吳  
萬里昏芳艸，染到山花恨最深。

新柳

長條導幽情，淨色穿戶牖。酸風釀如醋，少  
待濃似酒。颺，金絲垂滿眼，遮老醜。

王道士菴

出家纔二十，小築契初心。水浸籬根冷，苔  
封井口深。狖啼天恹，犬吠月陰。又據

藜床座焚香鼓內琴

南華陽洞

稽首游名山，駕言入華陽。南洞極秘怪，松  
草泉水香。曲几妙隸畫，殘碣刊靈章。俛首  
試一窺，冷風襲綃裳。守菴敬愛客，暖我紫  
木湯。遺我鵝眼錢，云是洞所藏。往，尋幽  
徒入見，黃金牆。侈心或已起，幾受奇鬼戕。  
身倘獲會遇，敢恨飛蓬霜。更丐一片土，小  
築安閑房。朝披神芝圖，暮試飢飯方。

金牛洞

凌競下危梯，俯偃生深穴。回身避雲霧，偃  
而眎日月。藥苗護谿谷，斫竹節截薜蘿。安知  
幽溪下有此，大奇絕金牛。剝光景，仙謀尚  
可闕。崗頭春已半，枸杞如點血。便恐顛風  
興，橫吹石崖裂。

山行行歌十首

受籙壇前雪更長，春風漠漠杏花香。風回  
路轉無人處，恰見天書字幾行。

珠案雕珉萬層雲，頭晃現觚稜。野人  
自愛深幽景，只是尋常不見僧。  
道院中間沐髮容，施來元自皇公君。能百  
拜香烟下，不怕丹瓊路不通。

虫蛀黃連徹夜焚，秦謠楚誦少人間。近前  
欲問新宮信，鶴帶靈芝入暮雲。

帶淺人家隱樹深，嫩晴天色弄雲陰。好風  
嫋嫋穿林去，吹徹松花似鬱金。

遨遊自是不思歸，花氣蒸衣氣力微。拋棄



文書亡俗累嶺猿吟後閉山扉  
天風穩步送虛聲離和漫山檜柏鳴遠望  
山腰多白石細看知是野人行  
中峯道士藥珠丹曾與神仙玉鍊顏見說  
醉來燒隱訣藥爐蕭瑟臥空山  
紫陽道院古丹青恨渠猶畫化胡經晚香  
滅沒人歸後自有天風撼玉鈴  
砌穴蕭森隔土橋項梁城頌最蕭條羽衣  
歌此招魂魄直送旛旌上九霄

壬戌春日

自從憂患長精神兀坐齋房過了春鑿落  
盞乾官燭暗樗蒲齒毖旅囊貧皇天老眼  
非塵世白日閑愁自替身一段風光好如  
畫未湏全與路行人

至荆公墓

一文荒墳上悠悠落日斜子孫來祭後守  
墓掃松花

野老從予話文公在半山蹇馱追不及落

日寺溪関

年少坐談玄鐘山直北邊春風吹夢過淚  
灑舊貂蟬

守法曾丞相能文陸左丞風流如未泯應  
作寺中僧

出白下

南朝禁籞夕陽明猶與游人作隊行烟蒲  
天淵池上路菜花黃盡綠陰成

遊栖霞四首

破曉逗苦霧客鼻何酸辛山中氣候異初  
日如燭銀田間石獸多知是肉角麟古苔  
半皴腹化作蒼龜鱗兩柱既岌業衆碑亦  
嶙峋幽塗得奇觀未敢辭埃塵連年抱离  
憂百嗟亡一呻花萎鬢毛晚草奪袍色春  
愁中書積失夢裏歌鐘傲窮愁著文字屢  
被同行嗔同行不相知而况悠々人

道中  
石麟

碑柱其影

吾與空門友相扶歷芳甸天機久淡妙梵

本與貫穿徐馳得幽欣濟勝慙孤願宿芽  
發輕苞寒灰抱短艷鹿走風生林僧歸雲  
入殿寺從齊梁來諸彥題品遍安知千載  
後未歎陵谷變

優尼製銅覺欲駐女主齡主祢金輪王錄  
在華嚴經而捨覺富貴愛慕塗椒磬月黯  
回心院妖魂啼窈冥僧人勿知此獨受一  
峯青分減倘及我終歲棲林坳

府帖昨夕下許奉半月急遂作茲山游悵  
恍憂思失古跡墮榛莽久失修葺南塘  
石塔好巋然對人立高碣纏蛟龍奇畫耐  
風日明且丹陽路萬感常畢集說似石翁  
婆皆湏為余泣

丹如金陵

丹踏江東路詞窮不復論江泥不治苦淚  
津鼓聚歸魂庾信因愁老陶潛為酒存孤  
踪雖落魄不敢望明恩

道中望茅山有感

危亭對名岳畢景扶鉤欄白鷺伺察過低  
昂若弓彎去歲負笈遊最佳元符間樛林  
帶脩竹清派流珊、離留叫晝夜靜洞天  
生春寒偉哉老宗師作屋雲兩端竟為殺  
虫蟻不活升龍鸞遺体但解脫故宫亦燒  
殘今朔已半舊萬柱扶立壇遂以兩不借  
一筇履噴坑入宅問玉斧採芝投金環墨  
沼篆結字丹臺氣成盤將謂便隱遁遽亦  
罹間閔夷甫塵尾墮荀令香炉間再獲望  
奇秀恍然神觀還如見大仙伯初髮綠映  
山兩君控鵠從俱着漢小冠俗累當復馳  
煮藥鼎欲翻

病起寫懷

夕陽殺天涯望、不見家牛斗象緯微咄  
咄空咨嗟此時將細碎說與枝上花

送友人入浙

行至王冀公墓上

小縣登樓上依稀是去年更聞吹笛短飲  
散覓歸鞦丹葉標寒渡黃花罩野田重来

吊古地為拊石羊肩

轆轤體

楚人無事時當誦極玄詩寫遍千山寺吟  
行九曲溪誰為補天手同是決雲兒欲去  
無人問今宵醉似泥

金陵懷古六首

孫伯陵頭水最悲蔣侯廟下月來遲夜深  
行客心驚恐猿挂晉朝楓樹枝  
司馬家兒持酒梧天星六下澆崔嵬當時

若便效牛飲定有孟津師旅來

夕愁看幕府夕陽邊那更雞籠在目前跋  
扈飛揚只如此登臨那得不酸然

杳々蘆蹤尋不得茫茫遺恨有誰窮長安  
敗績誰汝灞上收聲未到公

琵琶未盡使人嗟淚洒華林御苑花今日  
聞韶無處所雁烟蛩雨屬他家

江水無情碧州春北朝留住老詞臣子規  
啼向青楓樹為爾離鄉去國人

江南曲四首

露下五顏秋雨打三楊愁齊梁多才子埋  
在青山頭

卽與新歡濃儂與舊歡熟懊惱對行人當  
為歌艷曲

孤館聞啼鶯日暮胭脂薄芳膠似泥賤那  
得不行樂

雨認巫山氣江通滢預情相逢未多時秋  
花開古城

吳中秋月

郊原落葉已離離尚有孤花闌短籬小醉  
不成憐病後苦吟未了說愁時鬪雞走狗  
袁絲喜臨水登山宋玉悲豆角已收無別  
事待同野老赴襟期

野薔薇

娟、籬頭花白、間綠葉明光裁販袴不  
掩遊子屨餘春背人去乞與弄芳蝶感我  
萬古心離、不相接我行田野間落魄何

所挾猶能自撐柱使氣學漢俠悠哉芳艸  
畔見此放逐妾羅幃未生夢粉面反成怯  
幽香薰倒人山麝火初燿長亭式相思如  
見玉璫璣

狼山

吾母禱于山生我偃蹇身廿八始入寺所  
天俱不晨歸人復何之所願清戰塵勿論  
啣鈎去作瑞世珍

烏夜啼

何人彈阮咸故、輕手摘彈作烏夜啼此  
意我所惻南朝有帝子作牧號侯伯着身  
疑嫌間生意日仄偏愛妾聞啼聲改鎮頌  
竹冊故云長安吏性命在頃刻小婦聞啼  
聲赦令敷大澤身雖不肖甚幼小着蒼憤  
丹轉作縣佐欲塞父祖責濡墨決疑訟行  
未慰冤魄羣鬼見之怒極意便劓磔首佐  
隸陽橋公議亦已格痛掠及庫胥指作盜  
錢賊骨既窘椎鑿手墮面愈黑書款自誣

伏身竟遭刺畫酷毒一如斯誰謂彼無策  
謗書入外臺遂坐使者劾牽連入冶城五  
載窮慘礫敷詞叫穹旻哀慟人巨測若無  
磊落者誰肯為昭白翻思受禍時但何鍛  
羽翮愁冤傳里巷泣涕到臧獲嫠母偕妻  
孥惘々望秋色豈料今日下置酒設豚拍  
聽此哀絲鳴但呼說不得月明客已去庭  
宇鳴啞々世人見慈烏唾笑滿阡陌誰知  
事乘除禍去反為福蒼々上林枝當去作

謝客

贈趙子野歌

與君雖為外兄弟語話尋常見肺肝自從  
不見半年餘每望吳雲輒流涕蘋溪松江  
同一波半年不見當奈何長安市上相尋  
處弟能起舞兄能歌兄今賜第南薰殿滿  
載宮花上林宴弟歸便着情遊冠他時山  
中倘相見吳王臺畔楊柳黃吳姬對坐調  
絲簧阿兄自對吳雲呼弟不來應斷腸書



來不應寄他物只要秋林一隻笛當使  
奴月下吹此時此夜須相憶

古琴歌

山人袖携古琴來形模拙醜腹破穿上兩  
金字亦殘漫自云得自十年前十年前宿  
野店間野店岑寂無炊烟只將百錢乞翁  
媪回買濕薪煨澗泉老翁持出一木段刀  
痕鑿痕斧痕滿秀才望見三歎羨學琴以  
後何曾見此是成都雷氏為楷摩雷字分  
明現持歸修治調曲成曲成他人不肯聞  
初彈羨里可釋憾再鼓廣陵如雪冤將歸  
古操次第傳龍入我舟何可憐

憶昔

憶昔在童初身輕俗累無雲霞明道服日  
月綴仙都屑玉三危露泥金一丈符遨遊  
即閭闔佩帶即式昆吾學語窺真語談玄  
校易圖竹間時搏拊松下亦檇蒲謫墮歸  
岩壑庸凡近僕奴極知方匿景何敢遽搏

扶請命書盈紙祈真淚迸珠但能覘帝座  
不恨守天厨謹巨知難違心安敢自誣相  
隨有芒屨還欲化双鳧

吊堯章

相逢蕭寺已纍然自詠離騷講太玄極目  
舊遊猶白石傷心孤塚只蒼烟兒從外舍  
收殘藁客向空山泣斷絃帝所修文與張  
樂魂兮應是到鈞天

遣興

望見山櫻媚短岑翻然便悔出家林壞車  
殺馬空嗟晚裂芟焚荷直到今筍蕨以為  
歸去計雲烟無復舊來心平生最愛花濃  
淡看了斜陽看暝陰

夜歸

還山迫暮夜枕石吟下眠夢作童子日來  
花弄寒泉回身在人世欲去塵網纏永謝  
歡樂情把袂入紫烟

送道友歸

浮雲起足下是子欲歸家藏室收芸蠹丹  
房掃箭砂時聞搗藥鳥啼向款冬花莫使  
仙童去驚飛逐亂鴉

黃龍洞

一從負圖與負舟天公閱之居靈湫重瞳  
胼手久不作蒼苔古木兩漠漠朝來石磴  
鱗鱗濕如覺蜿蜒為人出甘霖未醒焦卷  
多相候吳門雲莫相失

歸越仁王寺

重到招提未覺遲鉢車初副袷衣時僧房  
齋院門、閉梅子枇杷樹、垂蟻蔭經幢  
求託化龍纏佛座學慈悲長年無事閑來  
此對座空山諷小詩

下竺

靜看唐人刺相連坐石陰鳥啼留客意果  
熟住山心野水流詩葉天香襲道林雲根  
有桂子應待月中尋

七言

雲竺前頭即御園小風斜雨入梅天放歌  
偃蹇如圓澤古貌昂藏若稚川尋得數行  
天寶字破他一夜草堂眠此生更要窮經  
論惆悵高人舊石筵

過葛天民新居

為憶空山雨因嗟短髮霜幅巾終日仄侍  
女古時妝烏白殘林外丹砂舊井旁不啻  
禪月晝只踞淨名床湖鏡秋容淡雲粧曉  
露香汲泉湏透脉種果便成行使宦過村

店携挈上野航極知秦外叟全似賀知章  
對佛称居士翻經悟法王自將詩檢校猶  
與竹商量嗟我渾無賴非公不作狂莫移  
松下石老子要乘涼

十月過鳳山舟迴入項王祠用前

韻

墜月濃于染孤花淨似霜溪山如有待朱  
粉五施救勝境如天上雄鳴自帝傍工陳  
白玉瑄人坐紫金床古咒稱春酒靈虬換

夕香風箏猶有韻星并忽分行念此鋤榛  
壘頻來渡蒂航欲揮終極淚只廢苦吟章  
慨慷辭歡伯英雄憶憤王逝駢嗟弗及撞  
斗恨難量起舞何勞短行歌未要狂斷雲  
將落日千古助哀涼

送蜀客

都市今重到文園更倦遊依、  
返窮峽得得上歸舟往事深能憶沈痾以合瘳行經  
古祠廟應酌舊山丘梁父遺馨在降箋殺

氣浮白衣猶肯出黃裏不包羞一聽巴人  
曲多貽漢壘憂花蒙塵漠、  
苑抱水悠悠、蠢爾狂童輩俱為滅族囚坤維元自正棧  
閣未應修管樂誰能並卿雲亦可儔時哉  
著檣杙聊以畔牢愁碑砣重開險銷沉萬  
壘秋堂留石室畫歌尚竹枝謳寒螿摧逋  
客啼鵲識故戾屈沱嘗角黍岷嶺看牽牛  
從此多談讌逢誰共勸酬近前持硯削成  
列抱瑩篔近歲安樞相宣威在益州君歸

如訪謁朝論必咨諏列聖方垂統羣公亦  
好修焚燒已郿塢誅殛皆謹兇虎豹參差  
束魑魅次第投衣冠通海嶠干羽格蠻貊  
江寇何勞服淮田亦粗收旌旗亦使傳炮  
烙任甕登玄象摧天狗昌陵控玉虬嗟々  
凡上肉斷々握中等貢錦資藩輔緘辭告  
帝謀聲名與勳烈應逐漢江流

戊辰感事二首

久要和平福湏寬次第刑諸公善調畫熙

祚必清寧夾道焚香拜今知病酒醒漫勞  
雙鬢白何止故山青妖締朝沉彩非烟夜  
透肩願同臧獲列齊壽八十齡  
幕府才方盛軍師意最高何年燕巢木兇  
處馬騰槽馳騁心方壯指揮身更勞周詩  
歌勞徠費誓說逋逃行闕占風角窮序拜  
羽旄飛騰真有種淡泊正相遭

山居書事

茶蘼架倒無人架全似老夫狂醉時昨夜

一場溪雨橫又漂苔蘚到花枝

方泉先生詩集卷第二

陽穀周文璞 晉僊

投金瀨賦

世之所謂英雄豪傑之倫常多罹于困阨  
方伍胥之遭憂兮寄微命于一食就嬋娟  
以祈哀兮乃鞠躬以進管何衆人之未然  
兮遽見奇于女子女既餉胥又自咎兮沉  
厥軀而弗顧胥東行而入吳兮承君命而  
伐楚考鐘鼓以假道兮復過歷乎故處不

見結禍正襟擊絮兮莎蒂披靡乎極浦山  
空水暝無他人兮老嫗嗥呼乎后土詔諸  
人既弗又兮質諸鬼兮無所捐美鎡于瀨  
中兮固取信于來者凜魂氣其安之兮為  
慈母而下取庶幾用此以全其老兮又足  
慰乎地下惟戰國之既哀兮士方賤乎犬  
彘弄人命以為寵榮兮雖妻子猶弗忘悵  
聖賢之不逢兮流遺恨于後世偉淑靈之  
好修兮視死生于一試故皇極之未建兮

曰蹈道而則未閤閤筭珥而至此兮誠賢  
者之所喟吳既霸而胥稱忠兮伊若人之  
所遺後千載之悠々兮有遺廟于故壘井  
邑改而經畫失兮桑柘鬱其藪々屏蘭茝  
其弗歆兮矧淫昏與謠祭欽高風弗可企  
而將墜兮又秉節而不覲重曰投金于淵  
明胥志兮女曰未然儻

不見此兮

石麟賦



吁嗟麟兮爾所守者陳帝之墓風颯兮今  
鳴松草霏兮分泣露在昔鳧鐘振金龍輜  
載素域戶肇開靈旂徑御侍女薦玉而長  
號侍臣抱弓而回顧淒聲竟天怨毒凝霜  
霧旦而視之惟爾麟兮高而不屈曲而弗  
踞哀而不傷怨而不怒叶象製于圖籙謹  
工程于尺度千載而往若朝與暮陵栢秀  
而翁仲逃野棠發而狐兔度偉麟角之歸  
然獨寃其如故惟紫薇之舒光絕巨筆

于尼父、為尔而洞泣盖自悼其弗遇予  
有感于斯文乃斐然而稱賦亂曰人噫之  
生具五常其聰明者居而王頃刻之隔或  
聖狂島夷索虜方混茫天張義旗自晉陽  
蠻陌冠帶裁衣裳昭哉上帝開此祥千秋  
萬歲立道旁吁嗟麟兮庸何傷

黃連香賦

余披五嶽之圖礼三茅之神莎服笋冠步  
行澗濱有老人者手持奇薰颺于岩谷乃

賦以文句曲之天華陽之山黑武蒼腹各  
持籬藩爰有藥樹流膏滿身味苦氣厚猷  
于立園有道所享不肖所儗世上齊民業  
流灣濃罔知紀極孰能遮欄爾惟昧昏能  
反其元當焚當燔上聞九閔爾惟飛翔爾  
魂狙猿速往逐臭毋啓我垣網緼輪困化  
為明烟素王奉尊寔鑒我言欲盡其微祇  
以贅煩余方肅而聽俛而拾仰而不見已  
石壁

遊洞霄

天柱青峩、石筍危不墮晃、銀雲收誰  
子開玉鎖崩騰方闌水煜爚入洞火神境  
休靈乃欲收碎瑣媿彼朽濁顏一得在無  
我致彼老鑄凝披褐迎路左願留護銀鐺  
被葉盤礴羸王笈付九虎遊宴升業碓為  
言子速去勤苦悔坎珂反樸招太和當免  
運劫禍慟哭出青松殘齡其或可

題喻玉泉家亦可樂亭

先生亭非伯夷築亭柱亦用秋山竹但令  
家有滿架書何令慮妻兒少饘粥朝來相  
對亭上賓沫泗尺度羲皇人先生已死名  
不泯常與此亭作標準後來鄰觸闕伯怒  
僕夫預起池魚慮折亭折先折柱有孫抱  
柱出烟去三十年餘復改觀有孫如此不  
待贊似魯靈光偶不全令人見此空三歎

病後

風燈露水兩茫然莫為歡華少壯年無病

更湏求藥物愛閑猶要覓緡錢此身生世  
柳歛裏末路光陰泣涕前快出囊中滄玉  
法白雲深處日高眠

上冢

蒸魚燔肉當好修羞北面百拜如有求頭  
身長健兒孫 歲、此日燒松楸紙錢灰  
盡淚不盡孤也雖在猶拘幽法、金蓋山  
下水相送直過龍灣頭

送人歸善溪

憤王祠廟桃花下愁苦者春又隔年今夜  
白蘋風更惡去時須傍采菱舫

歐陽琴歌

嗚呼箇是文忠琴嗚呼此琴今尚存堂中  
圖書散失盡留得七絃傳子孫六言自書  
書在腹古錦梅花留不得嗣孫賢者能忍  
貧不向豪家博珠玉初鼓如撼昭陵松翠  
原流水青溶、三宗龍象在帝左曾把鈞  
天賜與公再鼓似播清潁水只將漱流肯

洗耳曾蘇兩生招不來自寫新聲付兒子  
堯囚山舜放野自茲以下不平苦與君所  
得婦女謗此日一洗清萬古小儒昔誦五  
季傳頗訝春秋体微變今來再聽七絃琴  
南薰遺製喜復見浮雲沆盡白日逃何用  
廣陵與離騷譜成只度歐家曲秋聲賦共  
廬山高 琴有公題

歸姑蘓

舊巢已是別人門梅自蕭疎柳自昏河北

謗來須混俗江東讞就欲招魂吳王未納  
耶溪女越相先尋澤國村懷古感今吟不  
盡一双清淚滿醅樽

晨起

閉門不與俗人交玄晏春秋日抄清曉  
偶然隨鶴出野風吹折白櫻桃

磴上小飲

方坐愛躡潔俯窺為回縈汲雨露澤悠  
悠江海情引之灌蔬圃亦足發光晶陶然

未須去於馬潛我名

送道人歸華陽

山中無酒禁處有松膠旋汲泉炊飯多  
挑筍助庖天燈將出現望月未能高憶我  
初遊日先将石鼓敲

寄茅山道友三絕

伏事三茅過一生痴心不望羽車迎舊時  
手種黃子今解升雲入太清  
九錫碑亭日欲曛有人趺坐對炉熏憑誰

傳語巨馬司句曲山中只白雲  
蕊珠宮女傍瑤屏自把帑編問姓名回到  
人間無一事紫陽花下白雞鳴

秋日孤山道院

孤山有何好修竹隱樓居人在秋雲杪香  
凝午醮餘芳林多落果靈沼少驚魚歸棹  
閒歌詠猶如學步虛

寄韓澗泉漉

窮冬孤陋只書痴肯為凶荒強忍飢師友

淵源似公者輿臺貧賤亦安之人來山縣  
猶須債雨映茅簷只要詩欲詣樓居無逸  
步要從老手化神奇

訪梅二首

起看重霧白漫漫畧見春風在樹間傍水  
出籬猶未快淡烟微雨又青山  
幽花墮在石根傍幾欲移將近草堂草  
一樽聊爾跨驢歸去月荒涼

呈翠睡翁

豐

家本汝陽縣累世事耕蚕室廬既焚蕩飄  
零住江潭幼及識故老頗聞鄉里談最盛  
陽和時梨杏春酣、岱宗富栢栢孔林存  
揆檀鄉閭昂其中寔號玉檐、去年拜睡  
翁知是山堂孫淵源京洛舊尺度歐梅間  
昨夢返故里有翁作司南俚語馳寄之何  
以鐫冥頑

石林

蒼、一石林零散少存者分攜多子孫杯

勝落田野虛堂有天就乃在絕壁下存者  
寧非真散者亦已假相君久歲山遠客初  
繫馬幽阮埋莓苔孤唳坐梧櫨方咏茲遊  
清未敢泥風雅

絕句四首

巾車初扣檜花籬物、來前搃要詩一句  
坐來模寫了兩鳩飛下老梅枝  
紗籠解散坐門畿生怕逢人索接籬朝雨  
洒來山更淨春鋤恰好到方池

解呼威羽歸丹六可縛單于歸漢宮四面  
八方籠不住許來分坐此山中  
隔林八十龐眉叟理竹疏泉過一生見說  
石林身健日把書只在石山行

客中

客中時序又恁孤坐初春小雨中弄水  
攀松去年事令人憶殺洞霄宮

山樂官

山樂官爾誰視逃河入海俱奔伶倫梨

園何可論山樂官予欲爾兮無言如有言  
為予歌雲門

烏媒

一自弋者篡冥飛亦云多庖犧網未收同  
類如予何已噤伐斧篇去依女蘿

和澗泉賦山楹

共惟古至人用意事物表一丘謾推殘八  
極自圍繞不勞日月運坐見歲時了魯夢  
以不作楚賦那遽曉既煩匠氏來誰謂此



山小雲衣方分敷雪幹復夭矯沐浴抱歸  
藏樂甚憂悄

重經洞霄

曩既負幽討今敢萌遐心扶桑下陽馭  
磬浮空林瓊臺渺詆蕩蕊珮棲高深屢見  
仙驥舞遙聆玄女吟如遂睹開闢那復憂  
崎嶇抱閔職貴重啓閉非所任靈飈掣虬  
戶同此琅、音顛併翠綃水寫之朱然琴

大滌洞

嵌空總入泉涵、隔几倒懸若錐立道士  
云是閻丘公八向華陽便門出

岸幘

岸幘坐亭臯休嗟命不遭通幽文似呪招  
隱句如騷日下桃花熱風低鶴背高真遊  
窮不盡只是酌芳醪

翠蛟亭

禹驅龍蛇不驅蛟依然踰此山之坳有時  
淵停忽奔放如負山走如玉跑昔年茅渭

正如此咨爾來者無空嘲

寄題館娃即靈岩寺

突兀僧藍是館娃  
廡廊猶是自隱晴霞清  
明但長离宮州精魄應棲野寺花  
白苧黃蕉迷窄市紫蘭綠蕙屬渙家  
思量種蠶成何事空使君王式怒蛙

小寒食

從來寒食多風雨  
不料窮鄉亦管絃  
壯歲心情悲昨夢  
異鄉時序感流年  
偶隨游子  
來溪上因與棠梨立  
路邊從此堪悲轉  
憔悴隨羣同上釣魚舡

五月五日至京口

回首望秦淮  
出語重煩喋凱風  
初酸辛靈雨更淒切  
疇昔之所經望見心已折  
粵後世態換轉見  
凡事別緡錢換仍艱旅飯雜  
砂屑坊市半頽毀物貨僅羅列  
鳴鳳斯不聞遺沴猶慘慄  
凌晨轉時序塗路已入浙  
京清雖快人恐作昌歎  
節身本無瑕疵反

被謬言謀低翔就師友庶幾免摩滅清曠  
雖未能立暢差可悅如其守微言予將俟  
來哲

贈蘓召叟

句容縣古寺壁有道玄<sup>華</sup>晃、纓絡軀渺  
渺烟霧質一堵寂光怪朱泥以湮鬱泥去  
墨盡恹淡意都意失恨不還其人加巾急  
鞭扶毀棄加弗敬清論如漢律羅漢院塔  
影顛倒難致詰稷書誌海翻此理殊未必

今君所歸路正向此中出况有弔古才仰  
天痛呼屈勿稱荒唐言析理資按述其餘  
傳播咏淋漓滿箱帙棲霞者悲壯茅洞者  
清逸珍題倘相命當第為甲乙

半山寺

楚芳汀芷五幽妍相國風流亦未傳  
衣冕塵埃半山寺自相撐柱過年

跋鐘山賦二首

丁年寫了鐘山賦舉向禪宮入定僧、却

為予言未好扶行同謁晉諸陵  
往在秦淮問六朝江樓祇有女吹簫昭陽  
大極無行路歲、鵝黃上柳條

過鳳山有感二首

當年準擬作家林溪墅樓居意已沃隱者  
自應尋別業鳳兮何肯負初心參差一段  
囊中玉激烈三更月下吟若不速來相就  
飲定應從此失知音

秋蕪闕是州堂基惟有南鄰盡得知辛苦

置家將守冢告求廣地要穿池淨蓮已付  
卿僧掘慈竹從教墓客移雖向龍灣作者  
舊此生寧沒暫來時

絕句二首

臯伯通家瑣夕暉八年寒食盡歸期江鄉  
橘柚花如雪不許離人帶一枝  
入春便與僧為友紫萼黃英見坐禪昨日  
鄰翁催入社謝他只是說無錢

辛未九月晦日

遺体只毋身哀、勿重陳一貽泉壤憂兩  
見霜露晨繁霜與重露塗抹隨荆榛身即  
未隕滅強與松柏春遂于搖落中見此天  
地仁玄鳥已辭社辱收方降莘拭淚聲秋  
受何由酬難艱辛

閑居日有幽事戲作

竹暗僧窺戶莎寒雀上廳壁縣陳處士屏  
貼少微星纍甍為蔬圃埋盆學蓼汀自知  
痴得計常用醉為醒楚客兼稱僕幽禽代

作伶浴鳧翻落澗鬪雀墮空庭筭數推三  
甲防身召一丁案頭松葉響牆角袖花馨  
梵度推書笈醪罌隱粟瓶茅茨隱烟雨雞  
犬也忘形

苦錐歌寄澗泉

我園秋果枝纍纍縹青紺黃使相持役夫  
牧人記注之所佳尚者唯苦錐苦錐兩株  
結蒙密追惟文人語天出遂欲供之作蓮  
實他往迤々舍百無一乃被猿狙打都畢

摧藏睢盱以自佚季冬初旬日協吉寒風  
急霰如洌粟自慙曩者信已失作歌獻勇  
効詠謫

臘月八夜雨

愁雲欲雪未成雪忽聞寒雨夜淋浪但說  
歲月墮寂寞不悟乾坤發艷陽天黑鬼車  
聲更大夜闌客枕夢初長明朝近起視籬  
砌下草芽浥々又回黃

送澗泉

一自接誼形容生輝光束情謝流宕捧讀  
增慚惶矯足時切窺雲海何類唐長安賣  
藥市堇々十載強復綴守藏史得近中書  
堂心計常自珍孰云失其防稽首謝衆去  
酌酒相扶將融風及綠蔭代對日夜忙石  
澗流自湧玉山未欲長安得便奮飛相從  
決高翔

送薛子舒

龍泉餞語餘便使借舡居津吏方抽木官

人但載書朝通白  
砥石身近碧京  
魚一卷新文就  
臯禽亦自如

晚菊

亭、砌下黃金花  
霜後顏色如矜  
誇玄英摧挫百卉  
盡獨自照耀山  
人家湘纍晨餐  
不論數千載高  
丘恐無女君不  
見天室杜陵翁  
晚節常為少年  
悔

誦哀江南賦

高橋沙水涸臺城  
蔓艸纏下有煩  
冤人誦

此危苦篇我坐楚  
臣後身在江楓  
前但見去魂遠不  
見歸魂還惟昔  
愛好詞細碎窮  
註箋中間多軼  
事他書亦不傳  
極欲補闕漏今  
方長棄捐重効  
嘈讚聲庶幾與  
周旋

簡正字南仲

白髮梁鴻隨暮  
猿不辭引領望  
兄門久無清夢  
相追逐今喜遺  
經為討論數葉  
赤楓鳴客路一  
畦黃瑾憶家園  
著書不就身何  
用每見飛塵恨  
滿軒

重遊栖霞

林麓已盡虎不見  
迺來沆民所蹂踐  
殘僧自言昔遭變  
藏經埋像猶可唁  
沆泉鳴悲雨摧殿  
滿岩慈相沙汰難  
白盛粘綴式壞面  
慧命弗絕如斷綫  
况我憂患經歷遍  
見此悲酸尚競戰  
千鼓萬鼓走門外  
秋花泣餘注

出溪

二月天景佳  
波清見佳蝦  
望中何所好  
溪

女摘蘋花淺  
猶可涉素手  
花似雪隔港  
聞謳聲風來正相接

舊遇居遇鄰家子述懷

憶昔玉屑時  
最感鄰媪嫂  
剪羅作髮鬢  
添硯綴紉襖  
今回遇孫枝  
面墨休枯槁  
念彼舊宅凶  
災釁失依保  
此生未還後  
况復念家道  
冷節返鄉閭  
奪恃罹荒飢  
連歲愁浩浩  
流離在山縣  
只有泉水好  
野櫻聚紫玫  
街弄晴日杲  
半為烏雀盜  
半被奴婢討  
佰



弱必盡護盤飴如拱室坐薦一盞春便足  
舒遠抱

正字南仲祭詩

昭陽作噩冬愁雲凝上蒼我墮溪谷底鹵  
莽聞公喪哲人困中壽頗謂告者狂繼執  
邸吏符躑躅抽肝腸又聞歛魂魄玉色貌  
愈強環泣甚危苦精氣都不揚一朝委壘  
地千歲還天常我冠謝成均射策何冕昂  
連踐中秘書檢校四庫藏象緯識校尉篇

編嘉議卽麟遊夜閣黑鳳去旻霄黃惟初  
典郡學吐血榜可傷積壘高于山党讞空  
銷亡故老解噓枯新人工絕吭灼灼藻火  
衣可使縱作裳竟罷奉面對射策裨君王  
愧負臨軒思穹林摧棟梁往者流傳誣聖  
賢失隄防頽裂在眼前悽愴遙相望二紀  
獲敬事寔亞衿珮行常竊季弟稱朽穢敢  
自將束教滿雨露米擷參差香雖罹顛沛  
憂夢寐敢自忘翻思失待對按述何微茫

嗟此盛壯時傾耳殊恣忙但覺異清濁安  
知為死生髮櫛逮細碎羅列置篋箱前年  
日重九西歸舊臺城蒙索新句咏擘縮紙  
半張卷頭七字吟持以獻我兄稱許極銖  
兩逢人便增評出示翠雉跋文字逾西京  
鼎器寫饕餮肉翅兩目長款曲弥日函振  
刷家苑翔池水正清潔碩果乱縱橫斯時  
惜晚暮玄袂歆秋陽徐步引升榭如訴後  
別殃命之迤里廬憑藉蜚晚英讀書與拈

理且、拘限程尔搜蒿礪微乙亥事頗詳  
謹勿摹卷記眎此小傳成亦勿痛揀擇因  
筆為文章倚擢望江浦披榛穿翳荒梧擊  
祛鬼楚鄉志始竄更警策入心腹陟謂千  
駟輕誰子料承應總開一籥羸勑厨具節  
饌髻梓糕菊芳終席炭飛動漏下鐘鼓鏜  
劃見睽孤占覩、拖晶熒姬乳情可測一  
身行自當日斜亡集合噉跪止妖祥國典  
番左立地下収回商師門錫休誅慟哭叢

幽榮膝抱倏怡悵薛謨方施行茂洪既暮  
綴彷彿日月光門戶變化久咫尺未可量  
貧疾裹祭緩偶然值清明雨寒送魂來素  
筵見親情熟食侑介推覆柘嘒后皇諒此  
心靡他庶幾下歆饗

吊友人朱子大

爾居越上其屋為  
勢家所有

與君昔並丹陽舡形容惆悵俱可伶自說  
宅園及百年藏三小山出雲烟土伯小廟  
自題扁持照清池分醜妍吁嗟先君方下

世姪子賣半相炒煎出尋方伯待救護與  
我家者總萬錢是身災疾恐凋謝語未脫  
口吁皇天那知君今亦逝川洪崖白石夢  
杳然竟從他姓改受屢嗚呼朱君無歸  
但見空屋掾入抱山骨于黃泉

抱正字南仲四首

千古應無恨諸公竟不能要令參溟滓端  
合眾飛騰白州傷麟野蒼山下馬陵有兒  
持手澤淚落照書灯

卷舌空沉彩雲香亦靈賢幾時噫鳳沼一  
旦感龍泉遠播雕題外高垂若水邊煎膠  
嗟不及遺碣暝臺懸

珠璧方輝耀菁華未寂寥極知身作崇何  
用食為妖犧象收儒廟簫笳咽市橋傷心  
紗帽冷三徑雨蕭蕭

一自初聞報哀號向草堂相隨只兒子遠  
和有山獐土沃幽宮掩灰凝奠酒香孤身  
揮泣盡松柏便萎黃

行歌四首

雲壓門外土骨堆一番兩番春始回歸來  
但見鄰舍換老樹紅花如死灰商量千古  
有何事經營八紘非汝才乘除幻復既如  
此何不快呼鸚鵡杯

天譎天譎光照戶反舌轉枝啼更怒九霄  
訣蕩帝座高老我此身無告訴舍傍種園  
翁作鄰一方泉兮在中庭齊民書在泉有  
銘誓將團結為林垌

春霏、兮秋靡、嘆息賞音人已死堪嗟  
玉屑綴空條可奈芳蕤逐流水融怡艷冶  
恨欲消世間風雨何寂寥有誰肯為吹  
簫往和蟋蟀諧鷓鴣  
先秦古書世已稀國風雅頌聲又微彼美  
人今在天路馬羗局兮將安歸古人所懷  
已汨、今人所懷已忽、我亦東西南北  
人相逢且盡杯中物

遣興

山中雨更愁不是棄吾州懷母未能去  
訴隣誰肯留茶人窮似虱藥戶狹干丹一  
澗多沃碧嘲吟尚自由

孤山桃花二首

天上仙人休擲火塵中道士莫燒香可憐  
絳雨渾無賴一簇千枝對草堂  
莫向蓬蒿恨未遭夢魂曾釣海山鰲當時  
不合輕仙事惆悵靈風滿碧桃

送人之武夷二首

精舍人歸入內臺遺基處：有芳埃小儒  
更合修壺史刊落乾魚說水苔  
終向名山度此生此生吟骨要猿擎洞宮  
終與人間別六：峯高削紫瓊

秋晦有懷南仲正字

懷人幾日惡况復值秋陰天亦容清調人  
難識素心他鄉誰饋肉永夜只聽琴高咏  
龍泉碣相從發至音

贈孤山道士二首

九霄象簡手中擎豈是閑人愛列卿洞裏  
春石田春漠：有田多與種黃精  
清秋古洞無猿嘯自覺尋行幽意微處士  
橋邊增悵望幾回沽酒對斜曛

送人之桐栢

半溪松黃堆碧波狂夫于此欲如何洞天  
春曉歸不得司馬悔橋芳艸多

送髯高謁方岩

客舍窘積雨出門今始晴藥苗隨野飯燕

子瞻山行大道白日晚閑汀綠蒨生方岩  
相見了為謝州堂兄

方泉先生詩集卷第三

陽穀周文璞 晉僊

瞿塘神君歌

黃衫紗帽佳少年炯然餓虎窮山淵不若  
秦麻祖龍畔却是碧雞金馬邊左手斜執  
巨靈鑿右手敬抱禹貢篇離堆順流已受  
命一下不打天吳鞭有時挾彈暮雲表有  
時蹴鞠春風前有時却自着絳帕走入藥  
市尋神仙為人定似李太白學道定似葛

稚川孫翁<sup>走</sup>定避乖崖叟遣僕送畫不取錢  
神君廟食與畫像千古萬古當流傳我昔  
夢上神君殿偶值蓬萊衆真宴洛陽開畫  
姚黃花銅駝陌上難相見

清明日書事

蒼弁一如楚執珪思想越吟身自低澗水  
又如古智士縱橫沅轉多滑稽雜花半開  
已倏落如怨曠女離淚閨函自呼復相  
命如謹逐魄傷神棲而我自是不羈者行

行踏破青萋、今回蕩槩苔雪溪與野老  
輩相扶攜園池亭墅游歷遍自對蜀錦傾  
偏提興闌徑走歸弟舍同沃浮蟻烹村雞  
百五之後最寥闌獨過趙灣西更西野夫  
不知時節換但要熟醉如春泥

雲根

雲從會稽生旦、見伯禹聽讀山海經  
成龍不成虎禹命雲歸欤可向叢山去昂  
昂王內史眉宇照今古常在此盤旋沃藏



無處所王孫江海人雲根自栖翫招邀玉  
葉來以石為伴侶既從衣上浮只就茶裏  
煮不入晉家池肯作秦望雨兩兩儒一友即  
不學世間語吳儉哦五字坎壈酸澁苦併  
送山中人約束雲下取

聽琴

向人欲抱舜文絃可照書生不值錢彈出  
履霜空作惡一林風露已鳴蟬

寄人友

沆落他鄉鍛羽翰半年寧復記悲歡夜傳  
樓鼓思城角朝見江舡念客鞍不恨形骸  
老閭里遂令唇舌滿長安寄聲好在文章  
友目送春雲自倚欄

雨

雨意遽如許雲容亦可憐聲、搥斷續滴  
滴更勻圓道院燒香地山房焙畫天故園  
無恙否潤色到瓜田

陰山

陰山祠下月如霜不為吟猿斷殺腸拆得  
燈花無處賞帶枝分與棹舡郎

新亭

諸君收淚已無言烟外中原草色昏老子  
歸來坐廊廟短轅車上欲消魂

法寶寺

細竹千竿殿影斜龍顏曾此着深梁寺樓  
杳、鐘聲度疑有宮娥出晚花

戒壇

湘君孫女小乘僧身入祇園佛律行三級  
戒壇秋色冷箇中螻蟻亦長生

亘楚王畫像

胡床三弄清溪笛嘆息欷歔太極箏惆悵  
斯人風味減江花江州不勝情

玉晨觀二首

楚筍衝泉出山花避石開余方有公事不  
為等閑來

羽扇臨玄寺霓裳上醮壇九枝松葉冷十

葉杏花殘

寒食有感三首

生平叅道術師事大茅翁持籥開金匱焚  
香立玉童黃麟來地上朱鯉出江中今在  
桁楊畔依々睡晚風

清明好時節傲吏小詩家失意因流水傷  
心為落花人歸知市靜日落見山斜明日  
三义路村醪亦自佳

亭午步江臯誰云命不遭爰風吹缺蝶怕  
雨爛櫻桃鑽火烹新乳榷門覓小槽今年  
奇事少塵滿舊征袍

桂

偶向花邊立懸知病已瘳小山今夜月團  
樹滿庭秋清露霑叢底斜河在上頭湏臾  
香更好還與碧雲浮

自笑

自笑蕭條甚微吟坐到昏江風來掃地山  
鳥見開門茶面龍頭縮花梢犢鼻溫一從

杯酒少不復過溪村

構李道中二首

吹徹鴛笙醉碧桃古城斜日泛輕船此行  
憶着徑行處綠樹黃桑一高樣

臥龍山下聽吟松細雨清明似夢中柳蔭  
朱欄三百尺渴烏猶自泣春風

梅梁賦

文命殿角東北左上有梅梁鉄交鏤傳聞  
舊時枝葉生木質鱗身無不可有時正練

離朱拱歸帶濕萍光欲動低頭下吸菲嶺  
泉奮髯直入陽明洞旁觀但怪香火濃頃  
刻即令風雨送爾不見飢烏琢鼓來饋食  
走入嵩高化為石機祥禍福倘或是陰陽  
幻變誰能測玉筍觀掛白玉梁含元追下  
流血柱異事苟逢博物問後來那得詳其  
故卷丹雲凝素霧玉簫九成奠雕俎登歌  
升降只俯仰嗚呼梅梁飛忽去

題胡女騎

燕山雪花一尺飛胡人胡女夜打團圍海  
東青過沆沙西黃頭郎主獨自歸創殘狐  
兔懸羶車疲憊鷹犬聞笳悲君不見自從  
石晉納書款白溝河澹作邊面

東陽道中

埜店梢頭起灶烟江雲弄色半晴天暗泉  
遠砌喧人語遠燒侵林照客鞵晚日未收  
雞上樹春風欲度烏耘田布帆無恙歸心  
穩終到家山又迎年

鳳門泉

石根两眼北流泉乳竇潛通御井邊漂出  
宮人不識又泐哀州下山前

寒食曲

今年寒食好天色遊人踏青行不極尋山  
不憚千里遠往啼號濕松柏一杯醉終  
故上土祇就坟前便歌舞故鄉自有懊惱  
聲揀腰羊皮小番鼓吁嗟悲歡一餉間但  
恨死人不能語君不見北客紛々俱落南

光冢盡被胡塵漫影堂逢節具飲食魂魄  
夜行溪谷山

賞春二首

滿酌黃封都市酒斜簷漂蒂御園花半酣  
更乞跳珠水獨對風爐自煮茶  
賞春社裏鼓逢：尚恨鼓同調不同我亦  
明朝苦無事更來吹笛亂山中

春懷

棠梨未落柳絲長料理幽人作斷腸已自  
不堪田父飲更能重入少年場山連莽：  
荒陂白門掩蕭：野日黃想得故園疎雨  
外樽前催拍杜常娘

暮雨

暮雨蕭：即不歸尊前誰憶舊歌詞望夫  
烏桕濃于染葉：驚秋恨欲飛

即事二首

樂使金花鼓蠻衣紫金鞍蕃官舡過界駟  
吏報平安

龍護朝元閣鶴棲封禪臺中原垂白首只  
望羽書來

題堯章新成山堂

早將心事付漁樵若被幽人苦見招多種  
竹將挑筍喫旋栽松待斫柴燒壁間古畫  
身都碎架上枯琴尾半焦猶有住山窮活  
計仙經盈卷一村飄飄

題盧申之羸綱圖

昔日三郎騎爾祖廟食太山可苦辛後來

崎嶇蜀棧間棄置龍媒復親汝沃山古木  
雪漫、險途十步九步難艱綱頭吼喙勿  
損折要爾助軍身補官

贈相士丁日宣

張公謂余可神仙薛顛謂余可英傑丁生  
謂二皆無成世間安有此奇絕麒麟閣上  
冠貂獬蟬龍虎鼎內治大丹興來一笑掃  
燕然回首已自升雲端何如只向松江渡  
楊柳影邊茅屋住卧看蒼虬挾白雲卷取

秋濤過江去

吊黥卒

吾作窮奇白下囚  
汝被短褐從吾游  
蔣侯廟畔沽春酒  
周處臺邊送客舟  
械欲破時應自恠  
命將絕處亦天愁  
江陵柳大如知此  
對看官軍輒淚流

楊孟博挽詞

向來洛下老書生  
今見諸生更老成  
不復秀才趨試院  
已題文學上銘旌  
泛觀今古人無恨  
只有英雄命莫爭  
來吊不聞妻子哭  
依然認作讀書聲

贈隱者

袁三柳大劉廿八  
長到先生卜肆邊  
便拜逸妻為媿氏  
更沽村酒作家筵  
山公馬在何須尔  
林屋丹成亦偶然  
獨此老身無藉賴  
為他人擲卦爻錢

劍客行

燕雲逆胡着柘黃  
仁人烈士集太行  
已聞



泣涕拜明詔共扶金輿歸大梁安得山人  
一双劍走入雲中者不見人間夜半風雨  
時送胡首奏延和殿我生四十無所成荆  
淮好漢為知音丈夫志在仁義耳麟閣貂  
冠非本心功成劍化兩龍去我亦變名入  
烟霧此時再拜康山人九霄客星在何處

書事

說戰猶能聽聞屍不恐過役人愁似鬼病  
馬瘦于馳甚欲參經緯其誰出揣摩摩中  
原有遺老亡奈檄書何

見泗州降者

纔自降胡便守邊大家齋數中興年姑蘓  
寺裏相逢處為尔呻吟一悵然

感興七言三首

寥々古意少人傳莫為薰琴只五絃夫子  
縱心方學易我曹何意便談玄神馳洙泗  
身將老望斷沅湘眼欲穿月白風清如此  
夜阿郎不肯上釣天

在家莫羨出家僧，擾：營：竟未曾相國。  
舟中龍奪劍，山人琴畔鬼吹灯。從來不肯  
尋真訣，更自無心學。大乘漢室諸公，鳴玉  
佩也。須還我一枝藤。  
夜：推敲學苦吟，一如鍛煉假金黃。石間  
真隱何時出，地下狂魂無處尋。獨宦尚知  
長袖舞哀猿，空作斷腸聲。故墟杞菊，今何  
似桂落小山春水沃。

題天童全老

天童宝樓閣，銅釘敲朱扉。一老燒香後，諸  
禪乞食餘。天聽塗毒鼓，神捧苾芻衣。說了  
村夫偈，依然入翠薇。

送人之金陵

江山不逐寒潮晚，陵木猶含古木春。君入  
臺城須訪問，箇中定有六朝人。

送逸人歸茅洞

三君乘白鶴，各在一山椒。子去穿茅洞，人  
方采藥苗。花連雲色近，松轉水程遙。想得

尋幽侶宜歌散午朝

中秋日遊能仁北寺兩刹

輕雲漠、烟漫、杖藜扶行不作難無量  
壽佛像最古未曾有經碑亦殘秋花泣露  
顏色好客子着雨衣裳單題詩寫寄莓苔  
壁勿使俗人相對者

贈虎丘僧道輝遊天台二首

世讚碑文換穹龜上綠苔琵琶不可聽樓  
閣更堪哀竹動禪僧入梅香凍雀回開函

潘內典日晚未歸來

少小即精勤參禪復著文香薰滬瀆像茶  
酌或立墳入定山猿見吟詩海鶴聞幽情  
正迢遞又拜石橋雲

西湖即事

閑看浮鳩棲西渚倦隨奔鹿上荒陵松門  
雨過長廊靜一架藤花供病僧

宮人斜

魂魄淒涼掩暮塵野花山葉自精神年々

中使頭邊過暗裏相看似路人

上強寺

方池流水碧溶溶、  
怙悵靈蛇不易逢  
門外行人常立看  
一枝唐末半枯松

太湖

太湖我汗地茂苑我林莽  
橘柚我堆盤鱸魚我登俎  
區區為蘋花移去溪上住  
終當賦歸欵來此臥烟雨

寫懷二首

吾間唐諸生僧往多人傑  
有携至岩廊可並夔稷契  
偉哉寒山子拾菜衣百結  
其文似鬪騷但自寫木葉

往時陸荆門自是天下雄  
徒隸解散盡何處尋樊翁  
遂令一世士默然逃虛室  
至今大堤上葉葉皆春風

九溪十八磧

九溪十八磧冷見帝青苔  
洗足僧書石臨流客放杯  
按頭松葉響身畔野花開  
百六

辭歌吹清游始一回

弔辨才二首

讀了碑文讀祭詩  
冷看遺像立多時  
卽當嶺上生雲處  
山鳥山花憶老師  
坡使參寥滴奠茶  
定將老淚濕烟霞  
誰知走入靈山隊  
又對閑人說法華

西湖小隱

先帝何曾寵  
倖臣家園籍沒幾  
經春一立賜與嬋娟  
鬼教主西湖似洛神

麴坊

麴坊總盡上湖舡  
笑問雲山欠酒錢  
兩行柳絲黃不斷  
不知身在御園邊

壽星寺聞子規二首

子規欲歸、未得啼  
向錢王壽星石月明  
血盡不人知  
只怪曉山淚似碧

莫向空山惱病僧  
莫雲臺殿異鄉人多時  
不識已江路  
守着濃花哭過春

分夢泉

偷得兩泓清與他猿鳥吃上下泉邊身上  
下床上客相對各相忘山中小花白

隱者居

密竹緣坡便當籬野泉入戶自成池床頭  
一卷麻衣易更有寒山拾得詩

逸士坟

魂歸魄散兩逍遙小丘亭慰寂寥守墓  
未須芸宿州白蟾方護紫芝苗

夏日偶題

溪友相呼上釣舟藕花菱葉思悠悠好詩  
已在前山寺寫放參寥石井頭

謝願師見過

雲卷道者方醉睡有僧奚為入桑杞惠然  
相遇窮壑底共說儒流佛宗旨二家之風  
亦類靡吹而颺之誰為起寒灰煨芋香透  
紙呼童就隣一賒米作糜煮菜相料理吾  
窮于世無比擬殷勤相覓有吾子謾書七  
字聊送似往供天嬪泣山鬼

望茅山六言三首

羽衣藥叟歡迎手執蘭花共行從此十年  
不調可能久視長生

昔年唱采歌已老頭顱奈何不見颯輪碾  
處白雲出沒常多

蔣家兄弟清古著書幻相推宗博士劃沙  
劇穿崗度嶺後容

寄山中道友三首

玉函捧上五雲堆着意通幽此一回三十

年來增悵望更無人上望仙臺念：山信  
寄來時中有黃庭七字詩已處華顛無覓  
處幾回吹斷玉差參

憶得尋山復出山綠楊時候暮春間至今  
只有游仙夢長與松風自往還

初營鳳山

香艸參差種幽花逐旋移既添醒酒石湏  
着放生池春在年：好山來處：奇吹簫  
吾不解長嘯却相宜

梅谷

香爇雲頭玉雪身  
緩行微吟岸烏巾  
始後谷裏者修竹  
却向水邊逢  
丽人客子去時  
方得月嶺猿啼  
後便無春鳳皇  
欲下簫聲  
緊狼藉瀛洲萬斛塵

法華小隱

偃蓋着地臥清瑤  
旁渠走散入沅觴  
臺轉若珠曲九淙  
不知休還赴石鯨  
口灣濶合巨澗  
橫橋傍蒲柳  
來看暮春餘  
衆綠濃

似酒摩娑蕪陳刻  
愈覺歲月久  
寺僧愛光熖  
捧送貴侯有  
至今星散居  
各自開戶牖  
自棄眠雲身  
誰縛釣月手  
夕陽令我歸  
為爾重搔首

既離洞霄遇雨却寄道友

凡骨何堪得再行  
渴心欲要謁通明  
驚聞竹樹連山雨  
疑有風雷掣地聲  
鹿啖黃精知歲久  
人逢青箬便神清  
重来只要齋盂飯  
副似堂、枸杞羹



題曹武帝削瓜圖

阿瞞瓜分姿見之垂髻中此心既勿又此  
道安可洪漢祚既墜地餘子方困窮仁義  
倘自唱曆數豈不同扶令及宮闈殺士延  
奴童至今吊古徒哀痛殊未終實以已偏  
仄遂令彼長雄畫圖出後世畧見經營工  
想其鼎峙勢亦天誘其衷此章勿徒歌聊  
以裨國風

題蔡武伯所藏荆公研

獸面鼎足奔回互中有潤澤比雨露當年  
曾出富國疏老子平生用心處帝謨商頌  
周六典刻畫聲形勞解詁至今文字與風  
騷一一相輝炫緗素如閭四海失枝梧可  
憾諸公欠調護誰令天乎遽如許可是石  
也能無預陳玄洞歸蔣山路亦使高人野  
僧覩若為持入定林中應有明雲入天柱  
吾鄉風流蔡夫子匣而藏之美無度君不  
見公卿後進陸象山作祠堂記餘千言直

欲百世俟聖賢惜哉不得銘此研使我失意心惘然

歸別墅

幽栖久不到猿窟檀藤蘿叢篠生將遍流泉咽更多鄰翁新釀熟野寺暮鐘和亦有經行者來觀倚杖歌

早起

佛香終了換儒巾身是人間自在身一路野花清養目半溝流水靜怡神

兩宿山中

留連如有情蕙帳極空明晚粥知泉味昏鐘度雨聲稍容林叟睡莫放曉猿驚剩欲刻苔蘚應當寫姓名

再游九溪

昔年九溪十八澗今度見之愈清真靜依落石路晚閑繞寂山家村可憐潺湲似箇客更覺曲折能隨人得杖藜來盡日野棠山杏亦精神

偶題

海氣江聲相與浮  
今時帝里舊杭州  
西湖寺裏多金碧  
自厭穠華不肯遊

送人之官嚴陵

如君風貌又精神  
自合拖紳近紫宸  
平地有心開洞穴  
十年無俸著閑人  
身已看青舫垂去  
須憶緋袍艷  
春若向玄英臺  
下過為言亦是學詩人

與弁山道士飲

采茗歸來日未斜  
更攜苦菜入仙家  
後園同坐枯桐樹  
仰看紅蕸花落澗花

不欺齋四首皆為陳將軍孫作

陳兄榜名不欺齋  
不欺本自誠中來  
晚周洙泗漢伊雒  
中間此道寒如灰  
不欺齋中一樽酒  
兄于此意差耐  
以真情往  
到僮僕何况親  
知與朋友君不見  
湯脫胡桃一語失  
此是迂翁年少日  
陳兄再拜吾事畢

望雲亭

淑氣槃：接九原湏臾鱗合更瀰漫自後  
蒿里無顏色來到鐘山有淚痕往者英雄  
俱雨絕後來哀痛欲河翻夜深月照長松  
下誰見孤飛出墓門

敬思堂四言

有亭矣：高丘之傍父兮母兮堅深埋藏  
厦屋淒涼宰木成行春秋烝嘗酒漿牛羊  
身体俯偃雖勞弗勦心志脅亂雖煩勿揚  
欲求幽陰茫：洋：兩間四方寔繫我腸

何以照之明神后皇凡今之人誰同慨傷

陳將軍哀詞

捍環城兮保赤子歸王所兮執弓矢雖有  
妻子兮不如兄弟嗟全家兮南向而死護  
行殿兮臥旗鼓統伍符兮奠余侮故宮蕪  
兮胡作主哀將軍兮鬢垂素氣力絕兮委  
塵土後來孤童兮不勝惻楚天陰：兮春  
寂：曰余兄兮有廟食偕友于兮往作配駕  
鉄駟載雲旆山中兮望余歸江鼉翔兮

花亂飛

吊清溪姑詞

清溪之濱有小廟焉相傳以為  
溪神蔣子文之妹也旁二偶人  
陳叔室宮人也癸酉歲武言有  
妖据之郡太守毀三像于溪中  
而犁其廟彼亡國嬪妃可棄也  
姑不可棄善惡無別而廢者不  
古今不可勝數也何<sup>律</sup>此哉因感

之為吊詞曰

投余兮綠波彼偶士兮奈何余魂兮無依  
余兄兮山阿兄姿兮甚雄青骨兮朱弓稱  
天兮訴余冤令諛夫不終

水仙廟鼓吹四首

水淵淪兮不揚山嶽岑兮多巨石神來下  
獨春仰昂神遠適王孫的咳神無魚兮  
倚碧攬款銅鋪德星在南鳥尾逋兩峯隱  
天花溼州滄錢唐十餘萬戶皆看史君歡

娛雖涉流沙歷炎都入醫無閭不如東吳  
龍飛天門雞鳴日觀湖州有雀知夜半端  
冕結纓鋒車施幘瞻彼孤山男呼女怨欲  
裂冕毀車春榮秋枯無翁愁予  
雲冥：雷闐：橫玉轉流珠乾靈龜入我  
夢謂君當旋既窮海隅之災天當飲山中  
之流泉


招魂

天孫召魂鬼伯催促千歲之淵不為谷嶼  
岩既刊松栢桓：曰惟君之魂于茲考槃  
其永安君寔初成余以歸筮藏之其兆蓋  
如此也嗚呼休哉

二









本部书完

方泉先生詩集三卷

宋周文璞撰

清冰籟閣抄本

一冊

书 号 4533

本片卷含